

erkl[e]ret vnd erörtert werden/ sondern von gemeinen/ v[nd] vornemlich den Rittersleuten vbel anstehenden [sa]chen/ welche entweder der zeit darinn sie leben/ o[der] jhrem stande/ gestalt vnd wesen nicht wohl ansteh[en] vnd geziehen/ alß welche jhre geberden/ behuts[am]keit im reden/ gedult im anhören/ willfähigkeit [im] schweigen/ vnd im gebrauch der gedancken die m[an] zu treffen/ angehen. Alldieweil das genugsam [be]kandt/ daß anderer mängel vnd gebrechen/ so da [er]zehler massen beschaffen/ zu tadeln vnnnd herauß [zu] streichen/ das löbliche Frawenzimmer vor ander[n] sehr geneigt ist/ so finde ich demnach kein besser m[it]tel/ alß daß man denselbigen dieses ampt auff[er]lege] vnd vberlasse/ darzu es dann zuversichtlich gar w[il]lig sich wird gebrauch lassen/ vnnnd solches vmb [so] [a iiii r] vielmehr^a darumb/ dieweil es an guter folge vnd würckung nicht wird zu zweiffeln haben/ daß ihme halten die Rittersleute trefflich viel/ ja mehr alß allen anderen zu gut/ jhme zu gefallen endern sie wohl vnd verhängen/ was sonsten fest geschlossen/ vnd nicht leicht zu erhalten gewesen were/ derenthalben machen sie sich offft viel vngemach vnd bemühung/ da sie sonsten in guter muß vnd ruhe hetten seyn vnnnd leben können/ ja sie thun in denen dingen/ die da sonst leicht zu verrichten gestanden/ ihrenthalben auß widersetzlichkeit vnnnd andern zum trotz gar das gegen[s]piel.

Auff daß aber das löbliche frawenzimmer desto leichter dieses ampt anzutreten bewegen/ vnd desto eifriger darinnen befunden werden möge/ so habe ich nichts bessers zu seyn erachtet/ alß diß Buch/ welches von all jhrem thun ziemlich deutlich/ doch mit aller ehrerbietung vnd bescheidenheit handelt/ demselben ins gesamt zuzuschreiben/ der gänzlichen hoffnung vnd zuversicht/ es werde/ seinem löblichem [sic] gebrauch nach/ vnd wie es von natur zur rache geneigt ist/ sich sehr bald zu rechnen⁴/ vnd den Rittersleuten ihr wesen vnd handel hinwiederumb vorzulegen vnd zu beschreiben nicht vnterlassen/ dabey aber/ weil sie vielleicht/ alß ohne das empfindlich/ etwas mögen gerühret seyn/ desto weniger höflichkeit vnd stillschweigen gebrauchen/ nichts verbeissen/ sondern die klare/ reine/ nackende warheit herauß zu sagen: Vnnnd ob auch gleich einiger eyffer vorgehen/ vnd dasselbe vbertragen möchte/ so weit/ daß es et[Bl. a iiii v]was^a stärker alß sonsten herauß gehen dörfte/ wir[d] doch solches die schwachheit jhres geschlechts/ vnn[d] höflichkeit der jenigen/ denen es zu ehren vnd beste[n] vielmehr/ alß schimpff angesehen/ entschuldigen[/] vnd die arbeit nicht weniger fruchtbar vnd dienli[ch] machen/ den gewünschten zweck zu erlangen/ alß ic[h] begierig bin dasselbe zu sehen vnd zu erleben/ ja au[ch] zu beweisen/ wie geflissen ich sey dessen gutes lehren[/] straffen vnd vermahnungen zu folgen/ alß der i[ch] ohne das/

Deß löblichen Frawenzimme[rs]
gehorsamer Diener sterbe/
Pantagru[e][1]